

Pelajar Malaysia di Mesir marah Hindraf belakangkan Agong

KAHERAH - Pelajar-pelajar Malaysia di Mesir marah dengan tindakan Hindu Rights Action Force's (Hindraf) yang membelakangkan Yang di-Pertuan Agong dalam memperjuangkan masalah yang dihadapi oleh kaum India di Malaysia. Menteri Penerangan Datuk Seri Zainuddin Maidin berkata, beberapa kumpulan pelajar yang menemui beliau telah menyatakan perasaan marah apabila Hindraf meminta Ratu England, Queen Elizabeth II untuk campur tangan dalam soal

negara. Perbuatan itu mencabar secara tidak bersopan sistem berpelembagaan negara iaitu Raja Berpelembagaan dan kepada rakyat yang setia kepada Malaysia, katanya kepada wartawan Malaysia selepas mengadakan pertemuan dengan Menteri Penerangan Mesir, Anas Ahmed Nabeeh El-Feky di sini pada Rabu lalu. Zainuddin berkata: "Pada pandangan saya pula, dengan perbuatan itu mereka (Hindraf) telah menggambarkan diri mereka sebagai masih berada di bawah jajahan British. - BERNAMA

[ISELYANG]

Hakim kekalkan pertuduhan

Mahkamah menetapkan tarikh bicara pada 28 hingga 30 April tahun hadapan dan dilakukan secara serentak bagi 46 tertuduh setelah tiada bantahan daripada pihak pendakwaan serta pembelaan. Seramai 50 saksi pendakwaan bakal dikemukakan.

■ SUHARNE ZAINUDIN

HAKIM Mahkamah Sesyen di sini, semalam membenarkan bagi mengekalkan kertas pertuduhan yang dikemukakan pihak pendakwaan semalam terhadap 40 lelaki India berusia antara 20 hingga 45 tahun yang dituduh terlibat dengan perhimpunan haram Hindu Rights Action Force (Hindraf), 25 November lalu.

Bagaimanapun, Hakim Hayatul Akmal Abdul Aziz tidak menyatakan alasan terhadap keputusan bagi mengekalkan kertas per-



PEGUAM GK GANESAN

tuduhan terbabit. Kelmarin, mahkamah menagguhkan keputusan tersebut sehingga semalam setelah merekodkan hujahan yang dibangkitkan pihak pembelaan terhadap pihak pendakwaan yang memper-tikaikan kertas lampiran yang menyenaraikan nama-nama tertuduh sedangkan ia sepatutnya dicatatkan pada muka surat pertama dalam tajuk perkara kertas pertuduhan tanpa diasingkan.

Dalam hujahan pihak pembelaan terdiri daripada 22 peguam yang di-tuai M. Manoharan men-



PEGUAM RAJPAL SINGH

bangkitkan kelemahan dalam menyenaraikan semua nama tertuduh dalam tajuk perkara kertas pertuduhan berkenaan sebagai satu kecacatan yang jelas.

Sementara itu, prosiding mahkamah yang bermula kira-kira jam 2.10 petang itu menyaksikan kertas pertuduhan yang sama dibaca semula terhadap semua tertuduh dan merekodkan pengakuan tidak bersalah serta minta bicara.

Dalam perkembangan lain, pertuduhan yang sama turut dibaca kan terhadap enam lagi tertuduh

yang tidak dapat hadir ke mahkamah semalam atas alasan kesihatan dan pemeriksaan.

M. Murugan, 36, V. Loganathan, 23, S. Ravi, 33, G. Vinothkumar, 31, R. Vajendran, 27, dan R. Raghu, 39, turut menyatakan pengakuan tidak bersalah dan minta bicara terhadap pertuduhan sama yang dibacakan terhadap 40 tertuduh yang lain.

Terdahulu, jaminan RM1,000 yang ditetapkan semalam dengan menyerahkan geran tanah bernilai RM RM410,000 bagaimanapun dipinda dengan menetapkan jumlah jaminan baru RM500 setiap seorang dengan satu penjamin serta syarat tambahan melaporkan diri ke balai polis berhampiran sebelum sekali pada hari Sabtu terakhir.


Pendakwaan sebelum itu, menawarkan jaminan RM8,000 setiap seorang dengan dua penjamin dan syarat tambahan melaporkan diri ke balai polis ber-

hampiran pada Isnin setiap minggu.

Mahkamah kemudian menetapkan tarikh bicara pada 28 hingga 30 April tahun hadapan dan dilakukan secara serentak bagi 46 tertuduh setelah tiada bantahan daripada pihak pendakwaan serta pembelaan. Seramai 50 saksi pendakwaan bakal dikemukakan.

Pendakwaan dilakukan panel Timbalan Pendakwa Raya terdiri daripada Awang Armadajaya, Awang Mahmood, Shazreen Mohd Hatta dan Lee Keng Fatt. Manakala, GK Ganesan, Rajpal Singh dan 22 peguam lain daripada Biro Bantuan Guaman bagi pihak tertuduh.

Semua tertuduh menghadapi dua pertuduhan yang melibatkan dakwaan di bawah Seksyen 27(5) Akta Polis 1967 (Akta 344) yang boleh dihukum di bawah Seksyen 27(8) Akta yang sama, jika sabit kesalahan boleh didenda maksimum RM10,000 dan



penjara maksimum setahun kerana dijumpai dalam satu perhimpunan awam yang menyalahi undang-undang.

Serta didakwa di bawah di bawah Seksyen 143 Kanun Keseksaan (Akta 574) yang memperuntukkan hukuman penjara sekurang-kurangnya enam bulan atau denda atau kedua-duanya sekali jika sabit kesalahan bagi tuduhan menyalahi undang-undang dengan berhimpun untuk menunjukkan kekerasan jenayah bagi menakutkan pegawai polis yang menjalankan tugas.

Sinar
Harian

Lebih laporan
Nasional & Global
setiap hari